

Wegnesh aabdeg age gikendaman owi Paxlovid

Wegnesh owi Paxlovid?

Paxlovid aawon mashkiki age naadmaagiin awii bwaa aakoziin onji COVID-19.

Niish mashkikiin digosinon (nirmatrelvir miinwaa ritonavir) waaji nakiimigag awii nigaasidood owi COVID 19 aakoziwi-manijoozhens sweshkaamigag biinjina.

Paxlovid gnimaa adaa nigaasidon gdo inamjiwinan awoshme aawong miinwaa gnimaa adaa naazhinan gnimaa aabdeg awii zhaayin aakozii gamgoong onji COVID-19.

Paxlovid gaawii aga nigaazhimigisiin miinwaa awii debinaman miniiwesin owi COVID-19.

Paxlovid gaawii aawizino meshkidowin owi jiitawaaganiwi ji-onji-aakozising. Owi memaanji nanaakwiimigag owi gichi niizaanag COVID-19 miniiwesiwin aawon awii shki-wiiwong gdo jiitawaaganiwi ji-onji-aakozising.

Wegnesh age debinangiba Paxlovid?

Gda debinaan Paxlovid giishpin shpaamigag niizaaniziwin awii gichi aakoziin onji COVID-19. Aabdeg gwaa maajitaan daapinaman Paxlovid biinji naano giizhigad apii maajitaamigag inamjiwinan woshme weweni awii nakiimigag.

Gdo niizaanziwin owi gichi aakoziwin dibegendaagwod epiichi mina bimaadiziin, epiitiziin miinwaa jiitawaaganiwi ji-onji-aakozising apiitaamigag.

Owa mina bimaadiziwin naagidowenjigewin maagwed gdaa wiindamaag endagwen aji gichi niizaaniziin. Miinwaa age gdaa nikaazan Ontario nda gikenjigewin awii gikendaman endagwen gnimaa aji gichi niizaaniziin:

<https://covid-19.ontario.ca/covid-treatment-screener>

Woshme gnimaa gda niizaanis giishpin:

- ✓ Nigodwaasimidana piitiziin maage woshme;

- ✓ Midaaswi shi niizhwaaswi piitiziin maage woshme miinwaa gakina gegoon odaazhoo'igon zaam niinimag e'naadamaagiying aakoziwin (gaa-naadamaagoying aakoziwining e'niinimag onji inaapinewin maage mashkikiin);
- ✓ Midaaswi shi niizhwaaswi apiinish naanimidana shi zhaangswi epiitizijig miinwaa gnimaa gaawii demininig adaa yaanziinaa-aa miigaadsewin owi COVID-19 (dibishko gonaa gaawii agii debinaziin jiitawaaganiwi ji-onji-aakozising maage woshme nigodwaasi giizis apii agii debinaman ashowizo-mashkiki maage agii aakoziin owi COVID-19.
- ✓ Midaaswi shi niizhwaaswi apiinish naanimidana shi zhaangswi epiitizijig eyaamijig bezhig maage woshme aakoziwinan yaawog woshme niizaanziwaad gichi zinagag COVID-19. Aanin aakoziwinan gnimaa woshme gdaa niizaanis awii ayaaman zinagag COVID-19 aawinon:
 - manijooshiwaapinewin
 - wiinindib inake aakoziwin (dibishko niboowise)
 - odedikosiwaapine
 - okoniwaapine
 - opanwaapine
 - oniiskwaapine
 - Ziizibaakodwaapine
 - Azhe gashkitowin
 - odewaapinewin
 - maawach gaa-zanaganinik majaapi-ne
 - aanin inendamowin aakoziwin
 - gichi-wiinino
 - gigishkawaawaso maage naanomiya agii gigishkawaawaso
 - zagaswaa (megwaa maage zhaazhigwa
 - miniiwaapine

Ginosh gdo mina bimaadiziwin nyaagdowendang maagwed awii dibaatan wenaamjigan giishpin

inendaman woshme niizaanziiwin owi gichi aakoziwin onji COVID-19.

Ndo inendam ayaamaa COVID-19. Aaniish agezhi debinamaa Paxlovid?

Gdaa nda gikendaanan gdo inamjiwinan maampii: covid-19.ontario.ca/exposed#symptoms

Giishpin inendaman woshme niizaanziiwin owi gichi aakoziwin miinwaa ayaaman inamjiwinan owi COVID-19, gdaa:

- ginonaa gdo mashkiki-adaawewigamig (niibna mashkiki gaa-biminang adaa miigwenaa-aa Paxlovid)
- ginosh gdo mina bimaadiziwin maagwed (inodewiziwin mashkikiinini maage mashkiki kwe)

Miinwaa age gdaa giigid Health811 gishin yaaman gagwedwewinan maage mineziyin naadmaagewin. Giigidan 811 maage gnowaabmdan ontario.ca/health811 awii ginonad mashkiki kwe waasamo-asabi mazina-iganing.

Health811 gnimaa gdaa ginonaa owa waasamo asabi mazinaatesin gnowenjige ginonigowin giishpin maanda mayaawong agiin onji.

Gichi piitendaagwod awii ginonad mina bimaadiziwin gnowenjigewin maagwed wewiib gwa maajii ayaaman inamjiwinan. Paxlovid aabdeg awii daapinigaademigad biinji naanan giizhigad owi maajitaamigag inamjiwinan awii nakiimigag.

Giishpin ayaaman zinagendaagwog inamjiwinan, giigidan 911 maage zhaan odi aakoziigamig, niizaanag aajikinigan. Zinagendaagwog inamjiwinan digosinon:

- zinagag neseng
- dewaakigane
- nikaamdaman
- wawaanendaman

Wegnesh gikendamowin enendaagozii-aan awii ayaamaa apii ginonag ndo mina bimaadiziwin naagidowenjige maagwed owi onji Paxlovid?

Apii ginonad gdo mina bimaadiziwin naagidowenjige maaged, gda biidoon:

- zhibiigan kina mashkikiin megwaa e-daapinaman, e'digosin mashkikiinini agaa zhibii-ang miinwaa gashpinajigaadeg mashkikiin, miijimikaanan ji-onji-minogin, miinwaa mashkiki aancesijiganan.
- zhibiigan gdo aakoziwinan
- mazinaakozigan owi miskwi nda-gikenjigaadeg, giishpin ayaaman

Wiindamo gdo mina bimaadiziwin naagidowenjiged maage giishpin ayaaman gegoon omaanishkaagon, okonwaapine maage odedikosiwaapine, maage giishpin gigishkawaawaso, nooni'aawasowin maage nikaaziwin boonoonzhe-mashkiki (dibishko gonaa boonoonzhe bakwaakidonsan maage bazagweginan).

Aabdek ana anii debinaan COVID-19 nda gikenjigewin awii debinamaa Paxlovid?

Aabdeg aga ayaan debwemigag COVID-19 nda gikenjigewin awii debinaman Paxlovid. Manjigwa adaa aawon nda gikenjigewin, PCR, wewiib enjitaamigag molecular nda gikenjigewin, wewiib enjitaamigag antigen nda gikenjigewin (maage gwa endaawin agii zhitowin).

Gaawii memkaach gwii ayaanziin debwemigag nda gikenjigewin jibwaa ginonad mina bimaadiziwin naagidowenjiged maagwed owi Paxlovid. Aga naadmaagwan maanda awii debinaman nda gikenjigewin giishpin mineziyin bezhig.

Wenpash ana owi Paxlovid?

Paxlovid wenpash temigad owi mashkiki zhibiigan miigwed owa mina bimaadiziwin maagwed. Gaawii memkaatch OHIP mazinigaans dowendaagosino awii debinaman Paxlovid.

Aaniish ezhi daapinamaa Paxlovid?

Paxlovid daapinigaade gondamang (adoning) niizhing ensa giizhigag naanan minik giizhigad.

Paxlovid temigad wiikweginiganing temigag gizhep miinwaa onaagizhig daapinaman. Ensa bezhig mashkiki digosin niish bikwaakidonsan owi nirmatrelvir (oginii-waabigwaniing inaande bikwaakidonsan) miinwaa bezhig bikwaakidons owi ritonavir (waabshki bikwaakidons).

Bemaadizijig ayaamiwaad odedikosiwaapine gnimaa woshme adaa dibasaani mashkiki maanigaaziwaad.

Aabdek gwii daapinaanan kina niswi bikwaakidonsan gizhep naasaab apii miinwaa kina nisiwi bigkwaakidonsan onaagishig naasaab apii, kina gwa naanan giizhigag. Paxlovid adaa daapinigaadeg apii wiisiniwiin maage gaawii.

Giishpin bininaman Paxlovid mashkiki miinwaa biinji niizhwaaswi dibagiisiwaan aawong apii e'gagweji daapinaman, daapinan wewiib gwa makwendaman. Giishpin bininaman Paxlovid mashkiki miinwaa woshme niizhwaaswi dibagiisiwaan aawong, gegwa daapinange owi agaa bininaman miinwaa ajidsemigag daapinan owi mashkiki owi apii dowendaagwog. Gego daapinange niish miinik Paxlovid (nigwaadwaaswi bikwaakidonsan) naasaab apii.

Pane gwa daapinan Paxlovid gagwek gwa gdo mina bimaadiziwin maagwed agaa wiindamaag.

Ayaa-aabi gwa gdaa aashowe epiichi ayaaman Paxlovid noojimowin miinwaa gdaa naagidonon bemaadizijig mina yaawin inaknigewinan awii miiwishkaman sweniman owi miniiwesiwin. Gindan megwaa bemaadizijig mina bimaadiziwin zhichigewinan:

<https://www.ontario.ca/page/public-health-measures-and-advice>

Wenesh newen gnimaa maanaaskaagemigag owi Paxlovid?

Gnimaa gwa gda moshtonon ninda ezhibiigaadeg maanaaskaagewinan eopiichi daapinaman Paxlovid:

- bkaan biihipijikewin
- zhaabkaawizing
- ishpaabikiseg miskwi ozaam e-gizhiijiwang
- gaagiijiwagizi
- dewimisade
- maazhidewin
- maanaaji zhayaawin

Gnimaa gwa gda maaminanaamdaanan bkaan aanin maanaaskaagewinan Ginosh gdo mina bimaadiziwin maagwed giishpin ayaaman maanaaskaagewinan e'maanaaji dodaagiyin maage gaawii maajaamigasinaag.

Aanin wewiikaa dash gnimaa maanaaskaagewinan owi Paxlovid aawinon:

- **Maanaaskaagemigag ezhiwebizing:** Boonitaan daapanaman Paxlovid miinwaa ginosh mina bimaadiziwin maagwed wewiib gwa giishpin debinaman ninda inamjiwinan owi maanaaskaagemigag ezhiwebiziiyin: gizhiibizheng (babiikozhageshkaa), zinagag gwanjigeng maage neseng, baagidoneng, baagiingweng, maage baagideniwin, agoondaagan gabishkaag maage gibiskweng.
- **Okon zinagiziwin.** Wiindamo gdo mina bimaadiziwin maagwed wewiib gwa giishpin ayaaman wegwen gwa ninda waabmdowewinan miinwaa inamjiwinan owi okon zinagiziwin: osaawaag nagay maage shkiizhigon (osaawise),

gagwech gwa makade aandeg zhiigiwin, shki wiisigineziwin zhiwe gwayak masad.

- **Miigaadiisemigag newen HIV mashkikiin.**
Giishpin ayaaman naandowechigaadesinag HIV miniwesin, Paxlovid gnimaa adaa ani aawon aanin HIV mashkikiin gaawii weweni nishizinag niigaan ani aawong.

Ndaa daapanaan ana Paxlovid epiichi daapinamaa bkaan aanin mashkikiin?

Paxlovid adaa mina miigsemigad niibna dnowaa mashkikiin miinwaa aanke mashkikiin. Mina bimaadiziwn maagwed (dibishko gonaa mashkiki gaa-biminang) gnimaa adaa aanjironan gdo mashkikiin awii waankiimigag daapinaman Paxlovid.

Paxlovid age gnimaa ada madookidaan owi nikiiyaa ezhi nakiimigag boonoonzhe-mashkiki. Gda nikaazan bkaan dnowaa boonoonzhewin (dibishko gonaa, biinda`oojigan maage bwaa mazhiwewin epiichi daapanaman Paxlovid.

Aaniish age zhichige-aan giishpin ndo COVID-19 inamjiwinan woshme maanaaji aawong?

Ginosh gdo mina bimaadiziwin maagwed giishpin bwaa naawizhayaayin maage woshme maanaajizhayaayin shkwaa naano giizhigag.

Giishpin ayaaman zinagendaagwog inamjiwinan, giigidan 911 maage zhaan odi aakoziigamig, niizaanag aajikinigan. Zinagendaagwog inamjiwinan digosinon:

- zinagag neseng
- dewaakigane
- nikaamdaman
- Wawaanendaman

Maanda gikendamowin gagwek aawon apii Manidoo-giizis 2023.

Gdo dowendaan ana maanda gikendamowin owi woshme wenpanag debinigaadeg?

1-877-280-8538, TTY 1-800-855-0511, info@ontariohealth.ca

Publication No. 301236 (Eastern Ojibway)

ISBN No. 978-1-4868-6867-4 (PDF)

© King's Printer for Ontario, 2023